


PANDECTARVM SIVE Partitionum uniuersalium Con- radi Gesneri Tigurini, medici & philosophiæ professo- ris, libri xxi.

AD LECTORES.

SECUNDVS hic BIBLIOTHECA nostræ Tomus est, totius philosophiæ
& omnium bonarum artium atq; studiorum Locos communes & Ordines uniuersales
simul & particulares complectens. Vos lucrum hoc ingens ad sua quisq; studia reportate,
& grati estote authori propter tantum Opus feliciter diuina gratia inchoatum: non quod
idem absoluendum unquam ab ipso expectari debeat, sed ut quisq; sibi pro studiorum suo
rum usu id accommodate. Licebit enim studiosis quicquid usquam memoratu dignum le-
gendo occurret, facile huc in suos quasi nidos recondere, unde suo tempore rursus depro-
mant. Et proclive quidē hoc erit factu illi, qui philosophiæ partes atq; differentias cogno-
uerit, aut saltem Titulos, quos singulis in hoc Volumine libris Indicis uice futuros præfi-
ximus, iterum atq; iterum inspicerit.

Librorum enumeratio sequente pagina continetur.



TIGVRI EX CVDEBAT CHRISTOPHORVS
Froschouerus, Anno M. D. XLVIII.

D E G R A M M A T I C A

- Bassiani Landi Epiphyllides.
In diuersos authores collectanea L. Io.
Scoppæ.
Bernardi Rutilij Decuria.
Francisci Robortelij obseruationes in ua-
rios authores.
Iacobi Capellæ fragmenta ex uarijs au-
thoribus.
Io. Antonij Panthei annotatiōes ex triū
dierum confabulationibus.
Io. Baptiste Egnatij Racematiōes in au-
thorum locos obscuriores.
M. Antonij Sabellici Annotatiōes prio-
res & posteriores, in diuersos autho-
res Latinos, numero decem, si bene
memini.
Martini Beuchemi annotationes in di-
uersos authores. Inuenio & alium ti-
tulum, Variarum obseruationū col-
lectanea, nescio an eiusdem libri.
Philippi Beroaldi Annotationes in clas-
sicos authores 24.
De obscuris authorum locis, & corru-
ptis nominib⁹ Ponticus Virunius.
Plærīq; etiam illorum qui Varia com-
posuere, quos proxime nominauis-
mus, multos paſſim authorum locos
explicant; quos autem & ubi, præfi-
xis in quosdā (ut Cælij antiquitates,
Pollucem Græcum Basiliēn, æditio-
nis, &c.) indicibus ostendit.

¶ De Indicibus librorum, pars 2.

Indices copiosos & accurato alpha-
betti ordine in prolīxiora præsertim uo-
lūmina cōſcribi, maxima nuper studio-
ſorū utilitate, à diuino uerè typis excu-
dendi libros inuēto, receptum est: idq;
tanto applausu, ut ihdē librī quibus in-
dex accesserit, à plærīq; studiosis (illis
certe omnibus qui utilitatem potius q; formam spectant) alijs utcunq; elegan-
ter ubicunq; excusis non immerito præ-
ferantur. Laudo hac in re Germanorū
diligentiam, qua Gallos, Italos, & Hi-
spanos longe uincunt. Illi enim pluri-
mos nullis indicibus, perpaucos adie-
ctis quidem illis sed nimis breuibus, co-
dices emiserunt. Mihi profectio in uita
tam breui & tanta studiorum uarietate
uersantibus necessarij uidentur libroru-

indices, non minus quam in triuio Mer-
curius, siue ut reminiscatur quæ quis le-
gerit, siue ut noua primū inueniat. Ne-
gligentia enim quorundā, qui indicib;
freti, inuentarijs, regestis, & margaritis
ſuis (sic ob insignem utilitatē appellant)
integras authorū tractatiōes ordine &
methodo non legunt, laudes eorum nō
infringit: cum nusquā excellentia & u-
sus rerum, propter imperitorum aut im-
proborum hominū abusum immiu-
tur, aut uituperetur.

¶ Porrò methodus qua quis breuissi-
mo tempore & ordine optimo indices
conficiat, huiusmodi est. Quæcunq; in
indicem referre libuerit, omnia ut pri-
mum se obtulerint, nulla ordinis ratio-
ne habita in charta describantur, ab al-
tera tantum facie, ut altera nuda relin-
quatur. Res siue sententiam quælibet
separata, uersum nouū incipiat. Quod
si dictio etiam, cuius principalem lite-
ram aut significationem aut argumen-
tum disponendo sequeris, ab initio sen-
tentiae fuerit ubi plura sunt uerba (in
singulis enim non opus est) bene ha-
bet: si minus, maiuscula litera uel quo-
uis signo, ut atramento subduco a-
lioue, notetur inter describendum ne
qua deinde inter disponendum confu-
sio oboriatur. Tandem omnia descri-
pta forſice diſsecabis, diſsecta quo uo-
lueris ordine diuides, primum in maio-
res partes, deinde subdiuides ſemel aut
iterum, uel quotiescunq; opus fuerit.
Aliqui diſiectis omnibus, demum dispo-
nunt; alij inter diſsecandum ſtatim pri-
mam diuisionem perficiunt, dum ſin-
gulas ſchedulas in fine singularum diſ-
fectionis mucrone forſicis apprehensas
digerunt per diuersa mensæ loca, aut
uascula per mensam diſpoſita. Vbi plu-
rimæ ſchedulæ fuerint, ſapient ſubdi-
uidere ſuaderim: ſic enim omnia faci-
lius & minori confuſione peragentur,
neq; toties loco mouendæ erunt ſchedulæ,
ut aliae alijs ordinis gratia concedat:
quam si quis prima ſtatim aut ſecunda
diuisione omnia in iuſsum & poſtrem &
diligentiae ordinem anxie redigere ſat-
gat. Cum autem primam primæ partis
ſubdiuisionē aggredi uolueris, reliquas
ſeorsim

seorsim omnes in ussa aliqua aut inter librorum folia repone; atque ita partem primam subdividendo in ordinem quem uolueris reducito: ordinatam uel statim describito si opus sit: uel si prima descriptio satis bene habeat, quod potius fuerit, agglutinato tantum, glutine ex farina: cui si nullam xylocollam aut fabrile glutinum miscueris, facilius reliques aut remouebis agglutinata, mades facta aqua, sicubi erratum sit, aut alioquin in aliud usum de nouo ordine cogites: quam ob causam nonnulli in unam chartae faciem solum agglutinare malunt, ut cum libuerit, denuo discindant.

Sunt qui non agglutinent, sed filis libri ad hoc destinati inserant. Librum è charta, quæ crassissima & solidior reperitur in forma folij (ut uocant) componunt, & à summa parte ad imam filis rectâ descendantibus transuunt quatuor, æquidistantibus, in summa, media, & infima folij partibus, transfixis. His filis deinde schedulas inserunt. Commodius autem fit, si præterea chartulæ binæ ex communi & tenuiori pa pyro, crassiori per singula folia agglutinentur; quæ chartulæ filis quidem longitudine æquales sint, latitudine pollisis. Harum una in medio duorum mediorum filorum spacio agglutinetur, non tota, sed tertia tantum sui parte in medio, ut reliquæ duæ tertiae utrinque glutino uacent, & hiantibus eis scheidularum disponendarum & filis subiectarum extremitates inserantur, quo firmius hærent, & schedulæ in oppositis folij partibus digestæ non confundantur. Altera similis chartula ante prium filum statim, ut id propè attingat, agglutinetur dimidia sui parte, ut hiet & uacua glutino sit pars quæ filum spectat: In altera uero facie folij, eadem chartula post ultimum filum agglutinetur: siue ut pariter dicam, in utraq[ue] facie uersus interiorem libri partem, qua ligantur & compinguntur libri. Filum exteriori margini proximum pollicis forte interuallo à fine marginis distet. Huiusmodi folia chartulis & filis instructa circiter 100. (alioqui nimirum

crasseceret aut hiaret liber) in unum cō dicem apte compingentur. Hac ratione Georgius Ioachimus Rheticus, mathematicus huius ætatis præstantissimus, astronomiæ de iudicijs Pandectas concessit.

Hoc certe testari possum, nosse me doctos aliquot homines, qui hanc diuidendi commoditatem omnibus ferè studijs suis adhibeant, & siue scribendum eis aliquid, siue docendum publice fuerit, materiam sermonis congestam & rūdem hoc modo disponant: siue materiam recens accumulauerint, siue olim conquisitam distinctis per locos scheidulis non agglutinatis in usum referuent, ut cum opus fuerit ad quodcumq[ue] argumentum tractandum depromant, & ex multis, quæ in præsentia potissimum ad institutum facere uidentur, elegant, aciculis configant, suoq[ue] modo ad quam uoluerint partium orationis oeconomiciam disponant, & quæ uidetur describant, aut pro arbitrio utantur, & in suum rursus locum recondant. Materia autem colligitur partim describendo, que quis paulatim inter legendum obseruerit; partim dissectis authorū communibus locis alijs ué librī, ad quod efficiendum duobus exemplarib[us] opus est, quorum unius prima facies, alterius secunda deleatur atramento uel rubrica, ut ex duobus rursus unum ueluti exemplar fiat. Hac methodo ad multa profecto laboris compendia, & uarias studiorum cōmoditates uti licebit. Verum hæc satis, præter institutum. Compulit me certe ad hanc digressionem insignis rei utilitas, & quam nisi expertus nemo facile quanti facienda sit aestimauerit. Non solū enim temporī hoc modo parcit, & labori tædioq[ue] scribendi (adde quod per alios quoque duos plurēs ué simul in omnibus, id est, describendo, digerendo & agglutinando iuuari quis poterit) sed ad ordinem rerum & uerborū, ut quam exquisitissime fiat, necessarius propemodum hic modus est. Verū ipse usus artis magister & his quæ diximus recte uti, & noua insuper inuenire docebit. Nunc reuertamur unde digressi sumus.

DE GRAMMATICÀ

¶ Indicēs copiosi, et memoratu digni
(minores enim, qui innumerū propemo-
dum sunt, & minus utiles, prætereo) alij
ad certa studiorum genera pertinent, ut
quē nuper optimus & doctissimus phi-
losophus felicis memoriae Hieronymus
Gemusæus in omnia Galeni Latina o-
pera diligentissime confecit, quē ex Fro-
beniana officina Basileæ prodierunt.
Habent & iurisconsulti multas & maxi-
mas margaritas suas; & Concordantias
aliosq; indices theologi, quos suo loco
nō tacebimus: in præsentia paucos tan-
tum, qui occurrit, nominabimus. Nul-
lus enim ferè liber est, qui nō uaria quæ-
dam contineat, siue argumento ita fe-
rente, cum magna in multis scientijs &
studijs affinitas sit: siue per imperitiam
scriptorum. Nam Aristoteles & alij do-
ctiores ex antiquis philosophis, nihil
ferè alienum ei quam ex professō tra-
duunt scientiæ admiscent, sed quām ma-
xime intra eius limites se continent: po-
steriores uero multi & imperitiores te-
mere ab uno genere in aliud transeunt,
unde magna confusio, iactura tempo-
ris, & discendi difficultas oboritur, &
methodi fructus omnīs amittitur. Alij
uero indices, qui hic maxime numeran-
di erant, ad Grammaticos, philologos,
& uariarum rerū scriptores pertinent.
Rursus, alij in libros integros sunt, ita
ut ne uerbum quidem ullum relinqua-
tur, uerborum magis quām rerum ra-
tionehabita: qualis est Nicolai Erythræi
in Vergilium index; cui similes in opti-
mos quosq; Græcos & Latinos autho-
res facere instituerat, si uixisset; tum sty-
li, tum rerum cognitionis gratia.
Nizolij in Ciceronem.

Basilij Zanchi uerborum Latinorū epi-
tome: & appendix in Nizolium.
Concordantiae Biblicæ, &c.

Alij rerum indices sunt, uel omnium
uel insigniorum: quibus & uerba, mini-
me omnia, sed insigniora tantum indi-
cantur. Et huiusmodi ut plurimum in
plerosq; authores, qui publicantur, fie-
ri solent.

Sunt qui rerum uerborumq; omniū
in uno simul indice mētionem faciant;
alij certis ordinib; distinguunt, qua-

lem in Gellium quidam scripsit, ubi se-
orsim grammatica, seorsim philosophia
& alia indicantur. Sic etiam Græca &
Latinis nonnulli distinguunt, ut in A-
thenæum, Pollucem, commentarios Bu-
daei, uno indice Latina uocabula, altero
Græca comprehenduntur. Qui in Cæ-
li Antiquitates est, locupletissimus cer-
te & utilissimus, Græca Latinis con-
iungit.

Ad hæc aliqui ad foliorum aut pagi-
narum numerum indices conscribunt:
& eorum aliqui simpliciter, alij uersuū
numerum addunt: alij foliorum spatia
per literas distinguunt. Ego illos maxi-
me probo, qui pro librorum & capitum
numero fiunt: ut qui omnibus in qua-
cunq; forma æditionibus conueniant,
qualem Camers in Pliniū naturalem hi-
storiam olim concinnauit: singulis quæ
prolixiora erant capitibus, in partes ali-
quot distinctis. Quamuis autē multi li-
bri in capita nondū distincti sint: eadē
opera tamen qua index fit, hæc etiam ca-
pitum distinctio perfici poterit. Nos nu-
per Aristotelis opera Græca omnia, quē
propediem longe castigatiora ex Ilin-
grinij laudatissimi typographi officina
proditura expectamus, partim nouis ca-
pitibus & argumentis illustrauimus:
partim ueterem in Latinis libris serua-
tam distinctionem retinuimus, ut totus
iam Aristoteles in capita distinctus sit.
Idem in Cl. Galeni operibus experiri
coepimus. Non desunt qui librorum
indices ex solis capitibus, textu (ut uo-
cant) non perlecto, cōscribant. Aliqui
argumenta singulorum capitum, initio
operis præponunt indicis loco, quos
equidem parum probo. Hæc de Indi-
cum usu & differentijs dixerim.

¶ Conradus Pellicanus, præceptor no-
ster, uir diligētissimus, & de bonis li-
teris, sacris præsertim, optime meri-
tus, indices Basileę collegit in Tertul-
lianum, Hilarium, Ecclesiasticam ac
Tripartitam historiam, omnia opera
Hieronymi, & triplicem in naturale
historiam Pliniū. Et apud nos in Ve-
tus ac Nouum Testamentum, argu-
menti magis quām uerborum ratio-
ne habita: & in alios quosdam libros.
Flo-

Florentius Burgoinus Parisieñ. Franci scanus, indicem omnium insigniter à D. Augustino dicatorū auxit. Frobenianæ æditioni operum D. Augustini, ut plerisq; alijs ex illa officina libris, index copiosissimus annexit: qualis nunc in mentem uenit, qui in Antonij Musæ Brasavoli commentarios in Aphorismos Hippocratis ex eadem prodidit: item in Ioan. Ruellij stirpium historiam.

In Platonis opera Græca optimus & amplissimus index, cum æditione Basiliensi, diligentissimi felicis memoriae typographi Vuolphii: cui Hieronymus priuignitus successit.

In eiusdem opera Latina index, minus tamē copiosus, ex Frobenij officina.

In Aristotelis opera Latina Basileæ ædita, index, succinctus quidē nimis in reliqua opera: copiosissimus autem seorsim in libros de partibus, generatione & historia animalium; & aliis seorsim in problemata.

Tabula dilucidationum in dicta Aristotelis & Auerrois, ubi uerba & sententiae utriusq; per omnes philosophiae partes ordine alphabeti breviter proponuntur, M. Antonij Zimare.

In Varini Phauorini Camertis Lexicō Græcum Basileæ excusum, Indicē q̄q; Græcum optimum et locupletissimum, seorsim postea æditum, coniungendum autē si qui studiosi sibi emerint, Hieron. Guntius noster elaborauit.

In Pollucem Græcum Basileñ. æditionis index Græcus ampliss. & aliis Latinus.

In Dioscoridem Græcum Colonensis æditionis, cum Marcelli Vergiliū interpretatione, & corollario Herm. Barbari, indices aliquot egregij.

In castigationes Plinianas per Hermia Barbarum Basileñ. æditionis, index uberrimus.

Indices in Alexandrum ab Alexandro, Miscellanea Politiani, Crinitū, & cæteros plerisq; qui uaria scripsierunt.

In Plutarchi opera moralia Latine excusa Basileæ.

In eiusdē uitas Latine apud Isingriniū ibidem excusas.

In opera Alciati apud eundem, Index geographicorum nominū apud Ptolemæum, Strabonem, Pausaniam, &c. per Io. Vuolphium nostrū, nondum excusis.

Index in Magistrum sententiarum copiosus, qui etiam quadrabit in diuersos scriptores & monachos qui Summas aut commentarios in eundem emiserunt.

Hæc in præsentia sufficient, commōdius enim alia alibi.

¶ Typographi & bibliopolæ plerisq; præsertim quibus instructior librorum supellex est, tabulas et indices librorum à se impressorum aut uenalium habent, quorum nonnulli etiam libellis excusi sunt: ut,

Aldi Manutij in fol. chartis 3.

Froschoueri nostri in 8, quem nos confeceimus, chartis 2.

Cratadri Basileñ. typographi defuncti. Et Parisijs Roberti Stephani, Colinæ, Vuelcheli, trium præstantissimorum typographorum.

In tabulis autem impressi sunt Basiliense sium aliquot typographorū indices, ut Frobenij, Isingrinij, Henrici Petri, Heruagij, Oporini, et Roberti Vuinter: item Gymnici Colonensis.

His & alijs manuscriptis Græcis, Latinis & Hebraicis typographorum & bibliopolarum (quorum multi etiam impressos indices habent, uenalium apud se librorum, ubicunq; excusorum) ad augendam primam Bibliothecæ nostre partem usus sum.

¶ Indices in Bibliothecas aliquot insignores, quos itidem augendo primo huius operis Tomo adhibui.

Vaticanae siue Pontificie, Romæ index Græcus copiosissimus, Latinum non habui.

In bibliothecam Medicum Florentiae, Græcus.

In biblioth. S. Saluatoris Bononiæ, Græcus & Latinus.

In bibliothecas Bessarionis, & SS. Ioan. & Pauli, et S. Antonij Venetij, Græci & Latini indices.

Bibliothecæ Augustæ Vindelicorū Græcae, index.

DE GRAMMATICĀ

D. Erasmi Rot. felicis memoriae, & Conradi Peutingeri Augustae, et aliorum alibi in priuatas bibliothecas indices fœcundissimos habui.

Sed de claris Bibliothecis paulò post iterum dicetur, in hoc etiam Titulo de Varijs.

Nunc rationem parandorum indicū in publicas uel priuatas etiam magnas bibliothecas ostendam, exemplum secutus D. Conradi Pellicani præceptoris nostri, qui in publica Tigurina Biblioteca ordinanda eandem rationem obseruauit.

Qui primum in bibliotheca reperiuntur libri, ordine aliquo secundum magnitudinem per nidos, tabulas, aut pulpitā disponantur, & numerus singulis inscribatur atramēto. Et quia res exemplo clarescat, paucis libris propositis clarius omnia explicemus; eadem enim ratio in paucis & multis fuerit. Reperiantur igitur in bibliotheca libri, alij maioris formæ, quibus M literam hic adscribemus docendi causa (fingamus enim eiusmodi esse, & magnitudine & nominibus) alij minoris, qui litera P notent. Istis pro magnitudine dispositis, numeri primi ordinis adscribētur, hoc modo:

Catullus,	M.	I.
Tibullus,	M.	II.
Beda,	M.	III.
Aulus,	M.	IV.
Iulius,	M.	V.
Pollux,	M.	VI.
Cato,	P.	VII.
Galenus,	P.	VIII.
Hippocrates,	P.	IX.
Dionysius,	P.	X.
Musa,	P.	XI.

Hic primus ordo librorū erit, in quos alphabeticus index fiet, & sui cuiq; numeri adscribentur. Quod si alij libri non accederent, nec augeretur bibliotheca, his numeris cōtentī essemus; prodeßet tamen præter alphabeticī ordinis indicem, alium quoq; confici, eo ordine numerorum quo libri se inuicem sequuntur. Quanquam enim illi numeri libris ipsis inscribantur, amittuntur tamen aliquando libri, & inanibus repertis spacijs nescitur quid desideret. Verbi gra-

tia, uacuum deprehēdatur spaciū septimum, quod si in altero indice quæras, statim inuenies deesse Catonem: qđ idem in primo uix ante totū forte perleatum deprehenderes. Nunc quoniā nouis librī augmentur bibliothecæ, numerus unus non satisfaciet nobis, sed aliū primi ordinis numerū, alium secundi, tum singulis librī inscribī oportebit, tū in secundum etiam indicē referri. Tertiū præterea ex nudis fieri numeris indicem, quorum prior secundi ordinis sit, hoc est illius quo libri iam in biblioteca constituti sunt; alter primi, hoc est illius, quo primum quisq; liber postremo additur, non relinquitur autē ei adiunctus si magnitudine ab eo differat. Exemplum, addatur superioribus Auicenna liber magnus, ad Musam quē postremum et paruū esse finximus numerō XI. inscriptum: Auicenna ergo numero XII. (quem primi ordinis aut primæ positionis appello) inscribatur: non placet autem eum hic relinquare, sed potius addere ad ultimum eiusdem magnitudinis, ut magis decora sit dispositio: sic erit proximus post Pollucē. Sed iam turbaueris primi ordinis numerum, cum Auicenna duodecimus primi ordinis liber, Polluci qui sextus erat, subiungatur. Fingamus autem non solum Auicennam, sed post eum Serapionem quoq; & Rasim ponī, omnes magnos, deinde paruos sequi. Hanc ordinis primi confusionem uitabis, si secundi etiā ordinis numeros tum librī inscribas: tum in Indicem secundum, & erit huiusmodi constitutio librorum.

¶ Libri ipsi.

Catullus,	M.	I.	1
Tibullus,	M.	II.	2
Beda,	M.	III.	3
Aulus,	M.	IV.	4
Iulius,	M.	V.	5
Pollux,	M.	VI.	6
Auicenna,	M.	VII.	7
Serapio,	M.	VIII.	8
Rasis,	M.	IX.	9
Cato,	P.	X.	10
Galenus,	P.	XI.	11
Hippocrates,	P.	XII.	12
Dionysius,	P.	XIII.	13

Musa,

Musæ, P. XI. 14

¶ Index secundus.

Index autem secundus siue primi & secundi ordinis (ut hic sequatur ille præcedat, in tertio enim contra sit) talis erit,

I.	Catullus,	1
II.	Tibullus,	2
III.	Beda,	3
IV.	Aulus,	4
V.	Iulius,	5
VI.	Pollux,	6
VII.	Cato,	10
VIII.	Galenus,	11
IX.	Hippocrates,	12
X.	Dionysius,	13
XI.	Musæ,	14
XII.	Auicenna,	7
XIII.	Serapio,	8
XIV.	Rasis,	9

Ex hoc ipso etiam apparebit, quot libri sint in Bibliotheca; & quo tempore & à quibus illuc peruenierint.

Iam ut statim inuenias quem quæris librum, alphabeticus index fiat cum numeris primi ordinis, hoc modo.

¶ Index primus.

Auicenna,	XII.
Aulus,	III.
Beda,	III.
Catullus,	I.
Cato,	VII.
Dionysius,	X.
Galenus	VIII.
Hippocrates,	IX.
Iulius,	V.
Musæ,	XI.
Pollux,	VI.
Rasis,	XIV.
Serapio,	XIII.
Tibullus,	II.

Si petis Hippocratem, numerum primi ordinis habet IX. in alphabetico indice; hunc igitur numerum in secundo indice querito, & inuenies alterum numerum 12. qui tibi secundum ordinem, i.e. ipsum libri in bibliotheca locum demonstrabit. Sed finge amissum Hippocratem, neque sciri qui liber in spacium uacuum, ubi duodecimus liber erat, desyderetur. Quæres igitur duodenarium in tertio indice, & cum adscripto ei numero primi ordinis ingredieris in secundum in-

dicem, & nomen authoris absentis reperies. Erit autem huiusmodi index tertius, secundi & primi ordinis numeris confectus, ut hi sequantur, illi præcedant, contra quam in secundo indice,

¶ Index tertius.

I.	I.
II.	II.
III.	III.
IV.	III.
V.	V.
VI.	VI.
VII.	XII.
VIII.	XIII.
IX.	XIII.
X.	VII.
XI.	VIII.
XII.	IX.
XIII.	X.
XIV.	XI.

Hic duodenario adscriptum uides nos uenarum, illum quare in secundo indice, & Hippocratis nomen inuenies. Ex hoc tertio indice similiter uidere est quot libri in Bibliotheca sint; & numerus integrus lustrare. Conficietur autem describendo numeros ex ipsis libris iam recte digestis. Licebit quidem figuris numerorum similibus uti ad utrumque ordinem, modo colore differant: uerbi gratia, primus atramento, secundus rubrica pingatur.

Consultum autem fuerit, cum noui libri accesserint, non statim ordinem & numeros secundi ordinis mutare (primi enim ordinis numeri semper idem manebunt) donec plusculi simul una & eadem mutandi numeros cōmoditate disponendi habeantur. Sed hæc omnia usu & ipsa tractatiō melius intelligentur, quam uerbis explicari queant. Nos stræ sane Bibliothecæ Tomus primus p. indice alphabetico recte usurpabitur, facile enim marginibus si qui noui non commemorati in ea libri accesserint, adscribentur: numeros autem siue quis primi ordinis tantum, siue utrorumque, siue potius secundi tantum adnotauerit, bene faciet. Vtque enim fiat in primo indice, semper sius etiam secundo & tertio, isque necessarius usus manebit.

Hactenus de indicibus, ad Bibliothec

DE GRAMMATICÀ

cam conseruandam, & ordine, & cum decoro instruendam & libros inueniendos necessarijs.

Alium quoq; indicem superioribus addidit D. Pellicanus noster, sed ad aliū usum, eadem ratione qua nos secundū hunc operis Bibliothecæ nostræ Tomū instituimus, secundum argumenta digestis illorum duntaxat authorum libris, qui in Bibliotheca seruantur, per artes & scientias, siue partes philosophiæ & locos communes.

Nunc tandem quod reliquum est huius Tituli de Varijs, exequamur.

¶ Problemata, Quæstiones, &c Disputationes, pars 3.

Problematum genera, Cælius 16. II.

Aristotelis uariorum problematum se-
ctiones 38. quarum argumēta in pri-
mo Tomo in Aristotelis mētione de-
dimus. Interpretationem Latinā ha-
bemus Theodori Gazæ: commenta-
rios addidit Petrus de Apono.

Problematum Plutarchi Interpretē ha-
bemus Petrum Lucensem.

Multi illorum qui uaria scripserunt,
prima huius Tituli parte enumerati au-
thores, multa passim problemata propo-
nūt, ut Macrobius, Gellius, Cælius, &c.
Problematum libri 5. Antonij Ludouici
Medici Olyssiponensis, opus abso-
lutum, iucundum & uarium.

Georgij Vallæ problematum liber unus.
Maximi Planudis problemata.

Raphaëlis Regij problemata ducenta.

Ad medicinam magna ex parte perti-
nēt, Cassij Iatrosophistæ problemata,
quaे Iunius Hornanus transtulit, cu-
ijs interpretatio publicata est, nostra
nondū. Et Alexandri Aphrodien-
sis problematum libri 2. utroq; Theo-
dorus Gaza uertit, Ang. Politianus
priorem tantum. Item Aloisij Tris-
sini problemata medica ex Galeno.

M. Antonij Zimaræ problemata uaria

104.

Eiusdem theorematæ, seu memorabilitæ
propositionum limitationes 129.

Plutarchi Platonicæ quæstiones. Res
& ritus Græcorū. Res & ritus Ro-
manorum. Symposiaca. Causæ na-
turales.

Problematum mechanicorum Aristote-
lis liber, quem Latinum fecit Cælius
Calcagninus puto.

Conuiualium quæstionum Ioan. Gastij
libri 2.

Ad conuiuales quæstiones pertinent e-
tiam Plutarchi Symposiaca libris 9.
Dipnosophistæ Athenæ, et Saturna-
lia Macrobij. Fortassis & AEnig-
mata huic pertinerent, quibus locum
in Ethicis, cum urbanitate & facetijs
coniunctum assignauimus.

Epistolicarum quæstionum libri 3. Cæ-
lij Calcagnini.

Fortianæ quæstiōes Hortensi Tranqui-
li, quas sic appellauit à uilla Fortio.

De peregrinis quæstionibus Bartole-
mæus Sibylla.

Quæstiones uarie Iaco. Vuimpelingij.
Alexandri Aphrodisiensis quæstionum
naturalium, de anima, & moralium
libri 4. Græci. Translati sunt à Ioan.
Baptista Bagolino filio, & Hierony-
mo Bagolino patre, una traslatione.

Porphyrii quæstiones Homericas, & de
antro Nymphaarum in Odyssæa nos
Latinitate donauimus. Publicata au-
tem est illa solum, qua antrum expli-
catur.

Quæstionum, orationum, propositionū
libri 20. Ioannis Trittemij.

Disputationes Maphei Vegij.

Disputationes Camaldulenses Christo-
phori Landini.

¶ Compendium quæstionum Heyme-
rici de Campo.

Quodlibeta Hugonis de Argentina.

Quæstiones Quolibetariae, Gerardi de
Zutphania.

Cursus optimarum quæstionum, nescio
cuius authoris, liber impressus, ut ui-
di in catalogo Bibliopolæ cuiusdam
Venetijs. Sed huius farinæ Quæ-
stiones, in Theologicis forte plures
nominabuntur.

¶ De locis communibus, pars 4.

Loci quidem communes absolute di-
cuntur, qui nulli scientiæ aut parti phi-
losophiæ astringuntur, sed ex omnibus
aliiquid habēt, & quæ præcipua ad com-
munem uitæ dicendiq; usum pertinent,
ita ut rhetorico aliquo genere tractari
possint,